

Peroveta Ezekiel ana buka

Pariverena

Ezekiel mai Jew au Babilon i vипаниpani awari i babani. Tauna mara nonoa vivirarautua vinulaulaunai ma awanainei ana babani i tereterei.

Tauna rava ai riwa vouna i verei da ina vipaipai ma ai bada ina terepa-melei.

God mai Israel dobu au gia dewadewana anata-pui ina neiana-meleiana da ai au dobu oina ina terei.

2

God Ezekiel i vinei ana peroveta

¹ Bada ana boruma a inanai ma au doa a peu. Ma a nonori pona i riweu, i pa, “Rava ota natuna, ma vomairi ma awarim ana babani.” ² I bababani ma God aruana au orau i rui ma i voepaiu ma a nonori awariu i bababani. ³ I riwa, “Rava ota natuna, a pariparitawanem dam paripariviravirai mai Israel awarii. Amamai maiteni ega ita voteleteleu ma awariu i pariviravira da marina. ⁴ Rava paripariviravirai ma orai badobadoi ma ega ita vivivireu. A pariparitawanem da ma riwei, ‘Wei Bada riwana.’ ⁵ Taui paripariviravirai ma ina rautaniiganem bo ega lamna avena, wate ina aramanei da peroveta i getai awarii.”

17

God Israel ina ravivouni

22 Bada God wenanare i riwa, “Tau ai cedar manamanaina nuanuana ana vogai da ana paewi. Raǵana au tepadewadewana nabina ana gai da ola manamanaina au tepana ana paewi. **23** Israel ola au tepai ana paewi, ina raǵai ma ina raunumo, ai gu-launa. Kiu tapuna ma tapuna au raǵai ina raunoǵi ma au ǵoui ina viǵou. **24** Ai anatapui nai au dobuna ina aramanei da tau BADA, ai manamanaii ana taragai ma ai tupotupoii ana voepai. Ma ai majimajigana ana vipoini ma ai poina ina raurugu ma ina rata, Tau BADA a babani, ma aiwai a riwei nanare ana kaei.”

33

God Ezekiel i vinei da tauvineneǵana.

BADA i riwa:

7 “Rava ota natuna, Tau a vinem tauvineneǵana dam Israel aubai; riwa a vereverem ma nonori ma babani bagibaginei ma riwei. **8** Maranai ǵo'apoapoe ravana a ririwei, ‘Tam, ǵo'apoapoe ravana, amapo ma i 'raǵe.’ Ma ravana eǵa uta pariverei da ana ǵo'apoapoe ita voterei, ma ina iraǵe. Marina ana iraǵe au uram a tereterei. **9** Wate mepa da ǵo'apoapoe ravana u riwei da ana lawana ita virai ma eǵa ana lawana ita virai, ana ǵoa apoe ina iraǵelei, ma tam am lawana ina mae.”

34

BADA tauvipaipai aiaina

11 Bada God wenanare e ririwa, “Tau ainelau au sипу ana baiei ma ana ǵamoi. **12** Sipu taupainina,

ana sipu kwakokwakoi e baibaiei da e nenemeleiai. Nanare tau, au sipu e kwakokwako-nae. Ana nelañai ma ana neiana-meleiiai, maranaina dobu i waguvarei ma i gimtonei.*

15 —Tau ainelau au sipu ana āgamoī ma ana terei da ina matave kaua, Tau BADA God a babani. **16** Tau kwakokwakoi ma nelabalababai ana baiei, ma ana neiana-meleiiai. Ma kerōi ana bunamai ma gokokokarai ana vovaivirewapani. Wate dododoi ma virewapanai ana pupuni. Jijimaninei au sipu ana āgamoī.

17 —Taumi au sipu Tau BADA God a ririwana-kauemi da taumi tagotagogi ava ana rauetaremi. Aiaii ma apoapoei ana vilamonei, sipu ma gote ana vilamonei.”

36

BADA ana rava ina ravivouni

16 BADA i riweu, i pa, **17** “Rava ota natuna, maranai Israel ai au dobu i mamae, taui ai kaua apoapoenei ai dobu i vimirai. Tau au matau lamna i vimira-melei me wavine ana nawaravi e vaivaia. **18** Marina, au meji ana iwaña-tawanei awarii aubaina taui tara i vitoini au dobu, ma nanare kokoitauei dobu i viapoapoeni. **19** A vidabararai ma a vilamolamonei au dobūgela, ai āgo'apoapoei ma ai kaua awariei a kovoñgi. **20** Wate metauna au dobuna i rui taui wavau vivivireina i vijiboggi, aubaina nai dobuna ravai e ririwa, ‘Wei lamna BADA ana rava wate ana dobu i opu-tawanei.’ **21** A āgoei da au rava au wava

* **34:12:** Wei lamna awanaina maranai mai Babilon Israel ina pupuna-naiei au 587 B.C.

vivivireina ita vimaegaeägaeni, wate noi rava mai Israel dobu anatapui i naeni ma i vitepaubaubaiu.

²² —Lamna aubaina, marina dam Israel ma pariverei, Bada God wei i riwei, ‘Tau a neineiana-meleiaimi, eäga tam am kaua aiaina aubaina. Tau a kaukauei wavau vivivireina aubaina, taumi wavau o viapoapoena-naiei jentail ai au dobu. ²³ Ana viatataiemi da wavau, ġetelarana ma vivivireina. Wavau taumi dobu au anatapuna o vitepaubaubai. Taumiei dobu ana viatataiei da tau vivivireu ²⁴ aubaina dobudobuai ana taravainimi ma ana neiana-meleiaimi ami au dobu.’

²⁵ —Wairei ana vitoaimi da ona aii, ami mira ma kokoitau viborumai mirana ina oğ-a-tawanei. ²⁶ Ma nuanuami vouna, ma aruami vouna ana veremi. Nuanuami badobadoi ana votawanei ma aiaina ana terei. ²⁷ Ma Aruau au oram ana terei da au tarawatu ma au viaramana ona votağotağoi.”

37

BADA gelama ina ravivouni

¹ BADA i raunimavoaiu ma aruanei i naieu da gwagwa ġaegäena au poua i tereu, rava gelamii gwagwanana i oai. ² Gwagwanana a naeni ma a inanai da gelama i mağä guratana ma i poi. ³ I paridadaneu, “Rava ota natuna, amapo wei gelamii ina virava me bo eäga?” A paribelei, “Oo! Bada God, tam ainelam u aramanei.”

⁴ Ma i riweu, “Riwauei gelama ma riwei, ‘Gelama poii, BADA riwana ona nonori.’” ⁵ Bada God wenanare gelama i riwei, “Lavutu au orami ana terei ma ona lawana me!” ⁶ Vioa ma warowaro ana veremi, ma opi da gelama ina purui. Ma lavutu

ana veremi da ma lawana. Kampa ma aramanei da Tau BADA.” ⁷ I ririweu nanare a babani, a vikarei da a bababani ma dobuna ura ketarana i nae da dobuna i oai, gelama anatapui i vitagogiei. ⁸ A inainana ma warowaro ma vioa gelama au tepana i ampasi ma au tepai opi i tupua da i purui, wate awari ega lavutu.

⁹ Ma i riweu i pa, “Rava ota natuna, Bada God riwanei ive ma riwei, ‘Bada God e ririwa, ive meiei da meiei e uveuvena, au orami lavutu ina opui ma taubeu patarai e matamatave ona uveni da ina lawana me.’ ¹⁰ Ma i ririweu nanare a babani, ma lavutu ravai tupuai i ruini. Anatapui i lawana ma i mairi sorodia boruna gaeagaena.

¹¹ I riwa me, “Rava ota natuna, mai Israel lamna me wei gelamii. Taui e ririwa i pa, ‘Tauta gelama poi ava ma ata tuma gana i kwa, ata dam i kwa.’ ¹² Lamna aubaina ma riwana-melei, Bada God wenanare e ririwa, ‘Ona inana! Ami kokoaga ana votawanei ma ana voepaemi ma ana neiana-meleiaimi au Israel.’ ¹³ Au rava! Maranai wei i tupua, ona aramanei da Tau BADA. ¹⁴ Ma Aruuau au orami ana terei ma ona lawana ma ana neiana-meleiaimi ami au dobu oina. Maranaina, ona aramanei da Tau BADA. Ee! A ririweia; ana kauei.”

Wedau Mark
The Gospel of Mark in the Wedau Language of Papua
New Guinea
Buk Mak long tokples Wedau long Niugini

copyright © 2010 Wycliffe Bible Translators, Inc.

Language: Wedau

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-30

PDF generated using Haiola and XeLaTeX on 11 Nov 2022 from source files
dated 9 Oct 2020

aa19f3e3-98fb-51fa-9c53-3906edc75f11